

Date – 15/05/2025

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. Union Agriculture Minister Shivraj Singh Chouhan an Mizoram chu ramchhunga sawhthing, hmarcha leh aieng hmunpui ber ani chho mek a ti.
2. All India Radio, Aizawl FM Zoawi 100.7 chu hun rei tak chawlhsan a nih hnuah vawiin atang khan thar thawh leh a ni.
3. Defence Minister Rajnath Singh-a chuan Operation Sindoor hlawhtlinnaah India sipaite fakawm atih thu a sawi.
4. Ram pum huap infiamna Khelo India Youth Games 2025 neih zawh takah Mizoram chuan medal pahnih a la.

<><><>

COH THENZAWL

Union Agriculture Minister Shivraj Singh Chouhan an Mizoram chu ramchhunga sawhthing, hmarcha leh aieng hmunpui ber ani chho mek a ti a, heng thlai chin nan hian ram acre 75,081 chuang hman a ni a ti.

He thu hi vawiina Central Agricultural University (CAU) Imphal hnuah College of Horticulture, Thenzawla awm Administrative-cum-Academic Building video conferencing kaltlanga a hawnna ah sawiin Union Minister chuan Mizoram leilung chu a mi cheng te tana tangkai tur takin a awm a ti a, ruahtui an dawn that avangin thlai a tha duh tih sawiin thlai chin hrang hrang eizawnna tlak tam tak a awm a ti a, kuthnathawktute chu sawrkar atanga tanpuina hrang hrang te hrechiang a, an hmasawnna tur atana thawhho a pawimawh tih sawiin sawrkara mawhphurtu te pawh theihtawp chhuah turin a chah a ni.

Pu Shivraj Singh Chouhan chuan Mizorama Oil Palm tharchhuah tam tak a awm avangin a chingtute tan hlawkna tam tak a awm a ti a, hei hian state economy nasa takin a than tir tih sawiin kum 2021-2022 inkarah agriculture and allied sectors atangin cheng nuai 6 sing 1 & 3,716 hmuhchhuah ani a ti bawk.

Byte : Union Minister

He huna khualzahawm Chief Minister Pu Lalduhoma chuan, Union Minister chu a kaihhruaina leh inpekna Mizoramin a chhawr thu a sawi a. A bik takin a hruaina hnuah India ramin agriculture lam zirnaah nasa takin hma a sawn a ni a ti. Chief Minister chuan Thenzawla Horticulture College chu zirna hmun duhawm leh a

din tirh phat atanga zirna lama nasa taka hmasawn a nih thu a sawi a. Selesih a College of Veterinary Science & Animal Husbandry-a hmeichhe hostel hawn thar a ni chuan mipa leh hmeichhe inthliarna awm lo, hmeichhiate pawhin zalen taka zirna an rahna hmun tha a ni tih a tarlan thu a sawi a, vawn nun zel a pawimawh a ni a ti a. Selesih College of Veterinary Science & Animal Husbandry Residue Analysis Laboratory din turin tunhnaiah sorkarin sum a ruahman thu a sawi a, hei hi ram thatna tura sorkar, khawtlang leh zirna in te tanrualna duhawm tak a ni a ti.

Byte : Chief Minister

Central Agricultural University, Imphal hnuaia din College of Horticulture, Thenzawl hi kum 2016 khan bultan a ni a, tun dinhmunah Under Graduate in Horticulture zir theih niin Mizoram hian quota 4 a nei a, hmarchhak state dang nen quota insemin lut tur chuan Higher & Technical buatsaih SMATEE Exam tlin a ngai a ni.

<><><>

FM ZOAWI

All India Radio, Aizawl FM Zoawi 100.7 chu hun rei tak chawlhsan a nih hnuah vawiin atang khan thar thawh leh a ni.

All India Radio FM Zoawi hi 100.7 MHz ah kum 2008 August ni 15 atanga bultan niin programme hrang hrang tihchhuah thin a ni a, hun rei tak a kal hnuah kum 2024 January ni 20 khan tih tawp lai lawk a ni a, vawiin atangin rampuma Radio station ah FM channel thar thawh leh a ni.

SFX...FM Zoawi

Vawiina FM Zoawi awm thar leh tur puala hun hmanah hian Director leh Akashvani leh DDK Mizoram Cluster Head Pu DR Lalropuia chuan tunlai social media leh internet khawvelah mi nawlpuiin Radio an ngaihthlak tam tawhloh laiin All India Radio Aizawl programme la chawinung rengtu FM Zoawi thar thawh leh ani chu lawmawm atih thu sawiin mipuite FM Zoawi ngaihlua lo ngaithla zel turin a ngen a ti, FM Zoawi chu thalai te duhzawng tura duan ani tih sawiin a tir te atangin mipuiten an hlut thu leh ngaithlatute chu Mizoram chhung bakah Mizoram chhehvêl atangin an awm thin thu an sawi a. Mizo, English leh Hindi a puan a ni thin chuan Mizo fate an duai bik lo tih tilangtu a ni a ti. Mizo te tana finna tur thu tha tam tak an puan thin ngaithla tam chu an ât ngai loh thu a sawi a ni.

Director chuan harsa taka All India Radio hmasawnna atana an thawh chhoh dan sawiin FM Zoawi 100.7 MHz chu a tira darkar 5 chauh FM Zoawi programme awm thin chu tunah chuan nitin darkar 14 lai an neih theih tak thu leh mobile app hmanga live stream-in a kal thei a ti a, Kum 2019 August ni 15 khan chhun program dar 11AM to 2PM hawn belh leh ani ati bawk.

Byte : Director

All India Radio FM Zoawi hi AIR Studio, Tuikhuahtlanga atanga tihchhuah thin a ni a, kum 2022 August ni 15 khan a kum 15-na champha phak anlo lawm tawh a ni.

<><><>

NIELIT

NIELIT Director General Dr. MM Tripathi an vawiin khan NIELIT, Aizawl Seminar Hall-ah course thar pathum a hawng.

Course hawn thar pathum te hi M. Tech (Artificial Intelligence & Machine Learning), B. Tech (Artificial Intelligence & Machine Learning) leh B. Tech in Electronics (Internet of Things) a ni a. Tuna course awm mek Diploma, BCA, MCA leh non formal course hrang hrang a rawn belh dawn a ni.

Course thar hawngtu NIELIT Director General Dr. MM Tripathi-a chuan vawiina course hawn thar te chu hna tamna course a nih thu sawiin thalai te thuan chaktu tur course a nih mai bakah ram ei leh bar hmasawna kawngah pawh pui thei tur thiamna pe theitu pawimawh tak a nih thu a sawi.

NEILIT in an tum ber chu thiamna bik nei, state tana tha thawh theih tur chherchhuah a nih thu a sawi a. Industry lian hrang hrang nen an inzawm thu leh an zirlai pawh industry lian te nena inrawna duan, hna thiamna tura mihring chherchhuahna hmun a nih thu a sawi a. Digital Platform tih hmasawn kawnga nasa taka hma an lak mek thu sawiin NIELIT Director General chuan zin veihvahna tur senso hautak pumpelhna a nih bakah khawvel mithiam hrang hrangten zirtir hna awlsam taka an rawn thawhna tur a nih thu a sawi a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

DEFENCE MINISTER

Defence Minister Rajnath Singh-a chuan Operation Sindoor hlawhtlinnaah India sipaite fakawm atih thu a sawi. Vawiina 15 Corp Badami Bagh Cantonment-te nen an inkawmnaah he thu hi sawiin Pu Singh-a chuan Operation Sindoor chu India chak zia leh Pakistan atanga firfiakte doletna kawngah theihna pholanna a ni a ti.

Pu Singh-a chuan India sipaite huaisenna leh inpeknaah lawmthu sawiin hlawhtling takin Operation Sindoor beihpui thlak a ti a.

Tun tum hi Defence Minister Rajnath Singh-an Operation Sindoor neih a nih hnua Jammu & Kashmir a tlawh leh hmasak ber a ni a. Lieutenant Governor Manoj Sinha, Chief Minister Omar Abdullah leh Chief of Army Staff, General Upendra Dwivedi te leh sipai hotuten an tawiawm a ni.

<><><>

KHELO INDIA

Ram pum huap infiamna Khelo India Youth Games 2025 neih zawh takah Mizoram chuan medal pahnih a la.

Inelna hi May ni li atanga ni 15 chhung khan Patna, Rajgir, Gaya, Bhagalpur, Begusarai bakah New Delhi-ah te neih a ni a, Mizoram tan hian Samuel Zadeng chuan boxing kg70 huangah gold medal a la a, ani bakah hian mipa football team chuan bronze medal an la bawk.

Khelo India Youth Games 2025-ah hian Mizoram chu infiamna peng paruk - Boxing, Weightlifting, Judo, Swimming, Sepak takraw, E-Sports leh mipa football huangah an inlan a, infiammi 42 kalin coaching staff zawng zawng nen mi 53 an feh chhuak a ni.

<><><>